



## A cuppulata

### Eserciziu d'appiicazione

#### Ogettivi pedagogichi

**Capacità messe in ballu :** sapè leghje è interpretà un' imagina, un antecedente.

**Cumpetenze messe in ballu :** ripresentà ; cumunicà.

### Enunciatu

A cuppulata detta d'Hermann hè a sola cuppulata terrestre di Francia metrupolitana. Hè presente in Corsica è face parte di e spezie prutette.

Uni pochi di sculari si facenu una spassighjata pedagogica cù un animatore di u Parcu Regionale. Quelli li spieca u cumpurtamentu bonu da avè cù e cuppulate è li dà un fugliettu cù isse racumandazione.




- S'è vo mi scuntrate in a natura, lasciate mi in libertà : sò una spezia prutetta è hè pruhibitu di chjappà mi !
- S'ò mi francu un stradone, aiutate mi puru purtendu mi è lascendu mi da l'altra banda.
- Prima di smachjà u vostru terrenu, date un ochju per vede s'ò ci sò : s'è vo mi truvate, cambiate mi locu !
- M'hà trovu u vostru cane ? Òn lu lasciate ghjucà cù mè, chì mi pò ferisce !
- A mi spasseghju nant'à u vostru terrenu... Òn mi chjudite micca in u vostru ortu o nant'à a vostra terrazza : vulteraghju di sicuru à vede vi !
- S'ò sò ferita ? Chjamate u veterinariu u più vicinu !
- Òn cappiate micca cuppulate stragnere in a natura !
- Òn circate à fà mi riproduce in cattività in u vostru chjosu, per cappià mi in a natura !





## A cuppulata

L'animatore ampara à i zitelli ch'ella pesa circa 10 g à a nascita una cuppulata femina è ch'ella franca 1 chg da maiò, po li distribuisce u documentu sottu quì. Si vede una curba chì ripresenta a funzione  $f$ . Issa funzione associa l'età di a cuppulata à a so maiurezza in millimetri.



Si pò leghje  $f(5) = 80$ , ciò chì ci indetta chì una cuppulata di 5 anni misura circa 80 mm.

1. Chì ghjè l'imagina di 50 ? Interpretate issu risultatu.
2. Chì ghjè l'antecedente di 50 ? Interpretate issu risultatu.
3. Antone hà trovu in Altaghjè una cuppulata di 15 cm. Chì puderà esse a so età ?

### Lessicu

Cuppulata = cuparchjata = bizula = testùghjine.

Pruibitu : *interdit*.

Imàgina: *image*.

Antecedente : *antécédent*.